

重修兩淮鹽法志

兩淮鹽法志卷六十三

轉運門

緝私五

光緒六年正月沙漫洲緝私局候補道楊鍾琛稟拏獲長
龍礮船一隻查係漕中協王副將之船其勇丁號衣片
補有漕中協親軍字樣礮位俱全船內滿載油鹽計私
鹽八包鹽政吳元炳批仰候會同漕部堂將該守備奏
參革職其漕中協王副將失察記過一次以示懲戒

光緒六年十月湖北督銷局候補道程桓生等申卑局前
因升營撤防緝卡單弱稟奉湖廣督憲札委余總兵朝

貴招募鼎營五百人分布兼辦緝私等因當經報明俟
鼎營到防分布後另行呈報在案茲准余總兵咨稱奉
督憲札飭調兩路口衝要地方仿照升字營原駐營壘
分劄巡緝敝總兵遵於十月初一日卽帶隊往勘各隘
地勢情形兩路口以東七十九里至九歇山由此一百
里至松子關兩路口以西一百里至黃麻交界之舊店
東西相距三百餘里一帶崇山峻嶺崎嶇小徑頭頭是
道在在多歧查兩路口衝要以外惟九歇山松子關舊
店三處尤爲緊要通衢向係私梟絡繹之處遵飭仿照
升字營分劄札派前哨官劉參將春賢帶領哨勇駐劄

松子關梭巡緝捕東至銅鑼關西至長林關獨楊樹等處左哨官楊參將恆足帶領哨勇駐劄九歇山巡緝東至粵家河東嶽廟等處西至林家岡李家界等處右哨官金參將鵬輝帶領哨勇駐劄舊店巡緝東至丁家凹黃土嶺等處西至箭廠河敞總兵帶領親兵隊及後哨官李參將啟鳳駐劄兩路口居中策應督率巡緝親兵東巡至雙關廟虎兒山陳家山等處後哨哨勇西緝至羅家砦等因查從前忠義升字各營派防地段其羅麻所屬者向在兩路口松子關團山銅鑼關票子關僧塔寺及背廟長嶺關曹家冲東嶽廟坳峯河舊店黃土嶺

丁家凹馬鞍山觀音廟雙廟關九歇山磨山李家界陳
家山降關石門阪等處駐劄其黃孝應所屬者向在建
廠河黃阪站廣水驛三里城七里坪河口小河溪小河
司等處駐劄本皆私蹤出沒之所須藉營哨以爲聲援
茲鼎軍實因一營僅五百人不敷分布祇能分哨而不
分棚擇要在兩路口松子關舊店九歇山等處駐劄所
有羅麻所屬緊要隘口自可分巡周市惟黃孝所屬各
卡隘相距寫遠勢難兼顧擬咨請余總兵轉飭營哨隨
時在黃孝所屬梭巡以壯聲威而期周密呈報鹽政查
核

光緒八年三月湖北督銷局候補道程桓生稟遵查鄂岸
見在情形自川淮分界僅武漢黃德四府行銷南鹽此
四府中向稱旺銷之地而從前邊界緝私甚力州縣考
成甚嚴今昔情形不同職道奉委督銷十餘年來祇能
整飭局務期弊絕而風清不能堵絕各私使官銷之日
暢隔省辦事力竭勢窮蓋疏銷不難堵緝實難謹將各
私來路籌議整頓之法縷晰陳之一曰陸路之北私一
曰越界之川私一曰洋船之岱私一曰江船夾帶之私
一曰應城石膏鹽驛和之私江船帶私尙有下關武穴
各掣驗卡稽查凡包內重斤及包外夾私屢有報獲應

城所出之鹽因鄂中收稅未便禁止其每年產亦無多
本地人並不願食此鹽爲害尙淺惟北私從正陽關而
來越豫皖邊境由陸路入鄂分侵黃州府屬之黃麻羅
蘄德安府屬之安陸應城應山雲夢隨州漢陽府屬之
黃陂孝感等處頭頭是道防不勝防雖各路均設緝卡
而勇丁不過數人以前鄂中分布陸營會同卡員尙可
堵緝自升字忠義等營先後移調各卡一空續經稟奉
湖廣督憲檄委余總兵朝貴招募鼎字一營五百人分
填駐劄而漢黃德十餘州縣綿亙七八百里不敷布置
疏漏甚多前稟請金陵撥營則無營可撥欲由局募勇

一二營則經費難籌可否仰懇憲臺酌量撥營來鄂或咨請湖廣督憲添募以資堵緝聲勢既壯梟販自可潛蹤此擬辦陸路北私之情形也川私從宜昌沙市由水路順流直下越界侵武昌府屬之蒲圻嘉魚崇陽通山漢陽府屬之沔陽漢川一帶上游江面並漢河內原設有水路各卡然新隄附近卽監利地界係荊州府所屬不在專銷淮鹽界內川鹽任意暢行螺山一隅尤爲屯積川鹽之所江面在監利界中勢不能憑江邀截一入黃蓋湖則蒲嘉崇通到處充斥更無論沔陽之旁侵實覺無隘可扼目前引地旣未收復可否畫還監利一縣

專歸淮銷礮船扼守江面稍有把握否則專畫還螺山一鎮不准銷川俾免大幫屯積侵灌稍難似亦釜底抽薪之計此擬辦越界川私之情形也至岱私俱係從上海裝入輪船及挂洋旗之夾板船甯波釣船由長江徑駛漢口侵入武漢腹地職道前稟准在鎮江關設洋摺手查驗輪船夾私並請於江漢關南關派員查驗甯波釣船夾板攜帶之私雖鎮江關迭經報獲私鹽江海關緝獲者亦復不少然岱私成本既輕輪釣各船上駛又便北私川私尙經過局卡抽收釐稅岱私則並釐稅而無之尤非嚴禁不可前經赫稅務司議在江海江漢兩

關分設洋摺手驗查見在江漢關已設摺手江海關尙未設定亦未議定如何辦法應請飭江海關迅議定妥庶幾輪鈞等船開行時及到岸時均可查察其未定之先仍由鎮江關嚴密查禁務期有私必獲以免乘間上侵此擬辦輪鈞各船夾帶岱私之情形也經鹽政左宗棠批鄂岸銷數疲滯已久見又加增新引尤宜整頓緝私以期岸銷日新月盛淮北票私本爲侵漢一大宗據稱見祇鼎字一營不敷布置仰候咨請湖廣督部堂添撥一營查明陸路北私入鄂首站會同余總兵朝貴分段巡緝其薪糧由該局支放以昭周密川私侵鄂以監

利爲門戶以螺山爲堂奧本爵閣部堂擬將引地奏請收復其未經定案以前應先畫還監利一縣專歸淮銷已到川鹽限文到三箇月銷盡並候咨明湖廣四川督部堂轉飭遵辦岱山私鹽由長江上侵實爲鄂省心腹之害去臘本爵閣部堂道出漢皋曾經目擊非責成各關嚴查不足杜絕根株鎮江關洋摺手據鎮江關詳明已於三月十三日停止江海關應設洋摺手經費已據劉道呈報西歷四月分起支當經批令與稅務司趕緊會商並行該局知照在案候再札催從速議辦一面札飭鎮江關摺手移調江海關以期得力江船夾私全賴

掣驗各卡屏除陋規認真查緝嗣後儻再有收費情弊
立予嚴參候再通飭懍遵淮南見在百費經營整頓重
淋若以石膏鹽驛和出售民間自不願食應由該局設
法查禁有犯必懲是爲至要嗣經署湖廣總督彭祖賢
飭總兵余朝貢添募勇丁五百名作爲鼎字副營分段
扼要堵緝

光緒九年二月江西按察使兼辦督銷局張岳齡稟查湖
口掣驗卡查獲票外夾包旣經涂道面稟嗣後由卡提
出俟有成數知照吳城分局飭令解九江關稅礮船於
交餉回吳之便運至吳局售銷變價仍將銀兩解歸本

局合併充公自應遵照辦理惟此項變價可否查照金陵下關大通等卡章程提出一成解歸湖口卡充賞其餘九成銀兩卽由本局隨同重斤變價彙案充公經鹽政左宗棠批查獲私鹽變價銀兩准照章以一成充賞九成充公

光緒十年三月鹽政曾國荃札鄂湘西皖局照得鄂湘西皖銷數日疲半由私鹽充斥占礙官銷其川私之侵銷鄂湘固已防不勝防湘中尚有粵私遍布於衡永寶三府遂漸侵入腹地鄂中近以輪船及甯波釣船夾帶岱私爲尤甚江西則有閩私粵私浙私到處灑賣皖北則

受北私之充皖南則浙私由甯國等處侵入雖經設有緝私各卡而承緝員弁日久生懈梟販毫無忌憚甚至拒捕傷勇之案層見疊出西皖兩岸尤多於鄂湘有案可稽地方印官因見民間生計日蹙凡遇鹽案不特於應拏之犯從未十分認真擒拏卽拏解之梟匪到案亦多寬縱了事幾視鹽務爲多事成見未化氣誼難孚由來已久近年時事多艱地方官辦理鹽案原有爲難之處如果兩得其平民情必不至於舍順而從逆查

朝廷功令緝私向有考成兵燹以後此調不彈歷任多未及循例具題鹽政提綱挈領自不忍以督銷之故致令

鄰境印官因此被議心有未安原冀和衷共濟收日後
守望相助之效乃地方官因無處分遂乃膜視鹽務竟
若渺不相涉以致私梟日橫官銷日滯非但課釐短絀
且私梟百十成羣動輒滋事激成鉅案不特

聖朝應入之財賦漸漸淪爲畫餅且利器假於愚民亦非鄰
境地方印官之福本爵署部堂目擊岸銷之疲鄰私之
甚不得不將緝務嚴加整頓鄂省業經通飭駐巡各卡
及各州縣認真會緝接准來咨敘明如能拏獲視鹽斤
之多寡由局報明給獎儻或仍前玩縱亦卽查明參處
等語分別功過以定勸懲湘岸西岸皖岸事同一律亦

可仿照辦理但求各州縣與派巡員弁聯爲一氣俾緝務日起有功少漏一引之私卽多收一引之課

國家度支充餉大有裨益

光緒十年六月湖北督銷局候補道程桓生詳伏查緝私功令銷引考成立法本極周詳定章自宜恪守釋憲文之深意原須因時制宜責印委以課程要在實事求是今昔情形各判法令必冀其能行票引大小相懸銷數必期其能認竊維准鹽行湖廣省分見係分界行銷鄂岸則武漢黃德四府爲分淮之界定案不准鄰鹽顆粒侵入則見議章程自應以武漢黃德四府所屬州縣爲

斷四府中私鹽侵灌雖經道局諭禁營卡緝拏并奉大
憲札飭示諭地方一體遵行然利之所在民輒干犯法
禁而不辭查鄂疆四通八達水陸交衝鄰私最易侵銷
尤非他岸可比漢陽則有輪釣船夾帶之岱私漢鎮土
壩等處向爲窩囤轉發挑販灌及江夏黃孝而黃州府
屬沿江一帶灑賣亦多黃岡縣屬七磯汎峽內龍王廟
地方黃姓尤專攬此項岱私沔陽漢川蒲嘉崇通則有
越界之川私應城則有井私羅麻黃孝安隨雲應則有
由豫皖侵入之北私頭頭是道環逼而來所有輪釣船
夾帶之岱私已蒙憲臺咨會湖廣督憲札飭江漢關飭

令洋摠手認真稽查然關涉洋船動多周折而鹽之出路則皆本地人爲之承攬招販土壩之囤戶七磯泓峽內之專攬先宜杜絕應請咨會湖廣督撫憲札飭漢黃德道并嚴飭漢陽黃岡兩縣剴切示諭該處地保鄉保人等不准容留此等囤戶隨時派差往查尤在嚴飭本地方正佐雜各官署差役人等不得從中包庇遇有查獲窩囤及緝獲轉販案件立加懲治俾圖改業則鹽無去處自塞來源此議緝岱私務清奸販之情形也漢川沔陽及崇通一帶越界川私率皆由沙市入內河出大江而來或舟楫聯幫或鋪戶影射城廂內外列肆而居

殊與奏案不符沔陽州爲尤甚應由該州縣等時時查
察不准鋪戶售賣其應城并鹽出產無多近來雖未申
禁令然鋪戶每以煎熬苦澀之鹽躡入淮鹽出售殊妨
民食兼礙淮銷擬飭該州縣一禁越界一杜躡和此議
緝越界川私應城并私分別辦理之情形也至北私久
經明禁地方州縣深恐查拏生事漠不關心實則私鹽
蹤迹不外囤戶票頭皆州縣能辦之事此議緝北私力
戒因循之情形也以上緝私各節遽以獲私之多少定
州縣之勤惰或亦有爲難之處蓋境界有邊腹巡緝有
難易不能一律而論應請以緝私事件是否顧問與緝

私營卡是否聯絡爲憑若夫歲銷引數酌定考成志載額行原係三百六十四斤成引改票而後斤引卽已不同見行票法則係六百斤成引以見售之斤抵原額之引每引約合額行一引六分四釐八毫有零不難按數而計第戶口人民勢殊時異卽欲照額折數飭認亦尙扞格難行大率近來各州縣銷引遠不及額者十之六稍不及額者十之二能及額兼有溢額者亦十之一而應山一縣則片引不銷原亦因地勢懸殊非盡關印官優劣然食鹽爲民間必需之物銷引乃地方經制之常任令漫無稽考率皆舍官就私惟有參核近年之售數

酌定以後之認銷凡在腹地而距原額過遠者應酌加認數在邊界而原額本不多者酌量少加有已足額或溢額者勢不能飭令加增僅就前兩三年銷數之多者勿令短絀有未足額而前兩三年銷數上下迥異者則就其多者略爲加認祇就比較而歸核實不務勉強而設苛求道局互相會商意見符合詳擬章程年終考核功過每屆詳奉核准後擬請咨會湖廣督撫憲飭司註冊各該州縣記功至六次者由道局專案具詳并會咨藩司轉詳實缺人員請調優缺一次署事人員卸任後請委署一次記過至六次者亦專案詳請分別撤委停

委以示勸懲如蒙俯准懇請咨會湖廣督撫憲札飭湖北藩司漢黃德道遵照暨鼎營知照并通飭武漢黃德各府及各該州縣一體奉行俾該州縣等知事在必行不至如前玩泄匪特鹺務賴以裨益地方亦藉可稽查謹擬各州縣緝私簡約章程五條 一嚴查囤戶票頭包攬私鹽者爲票頭窩頓私鹽者爲囤戶聚集多人初以販鹽爲利繼則爲地方之害州縣卽不能派差緝獲然隨時查問責成鄉保區長不准於各鄉區容留此等豪強實與編查保甲互相表裏漢鎮土墻等處之囤售岱私亦屬窩頓水路各卡緝私遇有私販聚眾持械劫

鹽拒捕者亦必有包攬事同一律如果有著名票頭囤戶屢次販私拒捕州縣官訪拏到案懲辦或當緝獲大夥私鹽除將鹽斤分別充賞外報明道局察核情節屬實卽專案詳請飭司註冊記大功三次與年終考核銷引之案彙計詳請委缺署事其另調他缺者准以記獎之案彙核 一諭禁肩挑貿販肩夫食力人等藉挑販鹽斤爲生計遽加懲治不無可矜州縣官果能時時剴切曉諭飭鄉保區長等互相勸誡愚民各有身家豈必欲干犯鹽禁况邊界有平價之鹽分銷挑往鄉鎮亦可沾利何不舍私而就官祇在親民之官隨時諭告條教

樹之風聲響應自速 一清理關涉鹽案鹽務案件都
爲緝私州縣官置諸不理梟販遂無所顧忌相率成風
久卽釀成拒捕傷人之案如當時秉公清結卽不滋生
事端至分銷處所或有鋪戶拖欠鹽課地方官應上緊
催收儻意存膜視竟不聞問甚有差役人等從中需索
生事道局訪查屬實亦專案詳請記過分別撤委停委
一屏除印委成見州縣本有緝私之責近多不復顧
問因設營卡堵緝然意見動多齟齬州縣謂營卡爲多
事營卡謂州縣多隔膜應令悉除成見遇事和衷祇求
其是方於公家有益弗以案牘紛爭 一核定功過考

成飭認引數均體察近年情形詳細核定并非強令爲難州縣官必須按月稽查各鋪戶售銷是否官鹽結認引數是否銷足至年終由督銷局彙核開具清摺道局會銜具詳如本年照飭認引數溢銷一二三成以上或短銷一二三成以上均按成數分記功過請飭司註冊存案以備彙計專案詳辦經鹽政曾國荃批允

光緒十一年正月湖北督銷局候補道張銘堅稟前稟鄂岸鹺銷情形奉批五府一州創設各局店旣著成效誠如來稟不特沙市樊城固宜堅守卽螺山岳口亦不可輕議改動仰卽嚴督各哨弁加意巡緝嚴杜倒灌旁侵

免致各商藉丁城道查局店甫經設定銷市正在起色
允宜逐漸開去以圖規復引界不可輕議更張至嚴杜
倒灌旁侵祇在巡緝得力巡緝川私各卡本兼巡緝減
價淮鹽兩月以來隨時訪察各鋪戶以上游減價之鹽
灑入淮界者本屬稀少卽偶有夾帶原設卡哨一體查
截繞越尙難惟各局卡礮船分撥應用實有不敷沔陽
州屬湖水浩漫鎮集甚多不免有川鹽侵占之所緣與
潛江天門毘連不能在分川界內巡緝因鮮扼要之處
然沔屬境內似須派船添巡且加收川鹽局借撥礮船
四號均由局卡暫時抽撥以後卽或撥還亦僅能分填

原處其沔屬待撥之船仍無以應調新堤一帶各卡尙擬添撥一二礮船更臻周密則目前需添舳板三號庶可兼顧卽或減價淮鹽偶有倒灌旁侵亦足以資防範又卑局月解金陵揚州各處款項兩船輪流管解每船往返一次約四十餘日已無停留而平時道庫撥銀來往渡江時有風浪必期妥慎擬須添大長龍一號經鹽政曾國荃批據請添置舳板三號長龍一號係爲巡緝各要隘不敷分撥且爲解餉慎重起見自應准其添造在於局用項下支餉

光緒十一年六月湖廣總督裕祿湖北巡撫彭祖賢會奏

竊臣裕祿查接管卷內准戶部咨光緒十年七月初十日奉

上諭御史翟伯恆奏敬陳地方利弊請飭酌量變通一摺巡緝私梟本地方文武專責近年各鹽商募勇緝私肆出滋擾實爲地方之害著各該督撫將此項勇丁卽行裁撤其各口岸私梟卽嚴飭文武員弁水陸營汛認真巡緝嚴密稽查以靖閭閻等因欽此查湖北緝私勇營有記名總兵余朝貴所募之五百人填劄麻黃專辦緝私事務上年由前署督臣卞寶第行據湖北鹽法武昌道武震等會查議詳鄂江昆連數省犬牙相錯時爲北私潞私侵灌

且與豫境接壤之麻黃一帶伏莽尤多該營就近緝捕甚爲得力應請暫免裁撤等情並准兩江督臣曾國荃以該總兵余朝貴所帶營勇係奏明募設與各鹽商自募不同該處爲北私侵鄂最要之區巡緝極關緊要礙難擬裁等因咨商核辦經前署督臣詳核咨部請暫緩裁撤旋奉部覆以係欽奉

諭旨飭裁之營行令速卽自行奏明辦理等因復經卞寶第飭據見署鹽法武昌道瞿廷韶會同督銷淮鹽局江蘇題補道張銘堅查覆該營巡緝實關緊要驟難議裁詳請具奏前來前署督臣卞寶第未及核辦交卸臣等覆

光緒十二年七月沙漫洲緝私局候補道楊鍾琛稟據哨弁稟稱訪聞江都縣洞清鋪地方鄭玉成鄭其貴鄭玉州蔣德松胡德才張昭林等盤踞該莊窩囤私販初三日密帶本船勇丁前往緝捕搜獲私鹽二千餘斤拏獲囤匪鄭玉成鄭其貴二名其餘匪犯聞風逃跑追捕無蹤地保曹貴屢傳不到顯有受賄徇庇情事謹將搜獲鹽斤並拏獲窩販一併解送究治等情當將私鹽稱重計二千零二十斤存倉卽將梟匪鄭玉成鄭其貴二名發交江都縣看管並飭地保曹貴到案訊明究辦一面嚴緝逸犯具稟鹽政曾國荃批飭江都縣提案訊詳嚴

辦

光緒十三年正月湖北督銷局候補道楊儒稟查各私來路有水陸之分陸路北私由正陽關越豫皖邊界直達德黃兩府頭頭是道防不勝防前據黃州府王守稟稱北私由查兒山而來擬移請鼎字營抽撥弁勇扼要駐劄杜其來源業經飭令照辦若水路則有川私岱私川私由柏木船裝載貨物乘便夾私者居多從宜昌沙市順流而下越界侵武昌府屬之蒲圻嘉魚崇陽通山漢陽府屬之沔陽漢川一帶岱私由上海裝入輪船及掛洋旗之夾板船甯波釣船由長江徑駛漢口各關雖設

有洋擾手查驗報獲者固多而船中水手互相攜帶藏匿深隱遺漏者亦復不少此外江船夾帶鹽船灑賣在在侵占官銷實爲淮綱之害職道悉心籌議惟有添設礮船十號沿江上下遊巡分設哨官以專其責並派委員以總其司庶幾江路私蹤可期歛戢所有月支薪糧等項每月約需銀四百數十兩卽在武德新三分局局用項下酌量裁減撥用以免另籌經費其置造船價約需錢二千餘串擬在職局局用項下動支於公款尙無所損於銷路較有裨益經鹽政曾國荃批近來岱私川私侵灌淮界各州縣爲害匪淺據請添設礮船十號在

沿江上下遊巡布置甚爲妥協所有薪水船價等項仰
卽照所議辦理

光緒十三年二月湖廣總督裕祿咨准湖北提督程咨查
襄陽各屬界接豫秦道路紛歧潞私易於侵灌見值川
淮並行緝私自應加緊本軍門再四審度非統籌全局
將各營汛聯成一氣不足以收實效見查川淮各口岸
易於走私之處除文內呂堰驛黑龍集孟家樓蕭江口
等處之外兼有均光營之上薛家集汛朱家集汛槐樹
關汛襄陽城守營之下薛家集汛馬家集汛右營之北
泰山廟汛雙溝汛後營之湖河鎮汛錢家岡汛皆係潞

私出入之區見擬嚴飭各營將領責成各汛不分畛域一體認真堵緝各汛額兵自裁減之後大率單薄不敷分布須於選鋒左右兩營添撥練軍前往各汛分駐助緝以補兵力之不足兼由本標候補參遊班內擇一遇事勤奮確有把握之員綜司其事往來各汛督飭巡緝週而復始年以爲常其川淮兩局所設旱卡如孟家樓等處本無汛地卽飭各營汛隨時會緝且有此項公費則人心易於鼓舞各汛當按其汛地之遠近兵丁之多少酌發公費另派督銷之員薪資亦按月發給作爲定章其格外出力者隨時酌給賞犒本軍門復不時分派

得力千把數人四出訪查核其銷數之衰旺以課其勤
惰而定賞罰如此則各處聲勢可以聯絡既無疆界之
分自不致互相推諉仍前怠玩但能歷久不懈私梟無
隙可乘自當聞風裹足不惟暢官引且以顧餉源等因
相應咨請查照

兩淮鹽法志卷六十三

兩淮鹽法志

卷六十三

轉運司

緝私五

二十

兩淮鹽法志卷六十四

轉運門

緝私六

專緝輪船
釣船帶私

咸豐十一年九月鹽政曾國藩咨行總理各國事務衙門
查外洋輪船由上海駛至漢口者漸多上下往來一日
千里奸商往往雇民船載貨繫於其後拖帶以行藉免
課稅鹽茶爲貨稅大宗餉源所賴請照會上海洋商毋
得攬帶民船貨物

同治八年六月湖北督銷局候補道程桓生稟准漢陽鎮
移開據左哨外委張勝富稟稱奉委駐汛觀音港距汛

最近之石板灘沈家坡高家窩及對岸之西壅洲等處一月半月閒常有甯波釣船上有洋人運鹽來境售賣該處四遠居民紛紛挑運結隊而行毫無畏忌外委以事干鹽務未便預聞若不稟明又恐人眾滋事理合先行聲明等情查該處向非鎮市又無鹽店茲甯波釣船運鹽入境在於孤僻之地售賣顯係運私惟水師營制遵奉定章除應派專緝鹽務之外其他不得干預刊本通飭遵行在案第以該汛興販人眾恐致滋事移局查辦等因查洋人在內地販運食鹽本干例禁前因甯波釣船裝載岱私連檣越卡往往於下游江面一帶肆行

灑賣今復膽敢勾引洋人運鹽來鄂在於偏僻地方任意售銷實於鹺務大有妨礙見值江河泛漲水路四通八達若非從嚴查禁則該船恃洋人爲護符使地方不敢緝拏更可肆行無忌復查石板灘沈家坡高家窩西壅洲等處係屬武治蘄黃交界之區除派員帶同礮船前往查緝遇有售賣私鹽立即拏辦外惟甯波釣船由大江沂流而上必須經過各釐卡及各水師汛地應請通飭一體查拏凡係甯波釣船務須認真稽查不准運鹽上駛儻經拏獲立將人鹽併解憲轅從嚴懲辦並行知各國領事官嚴禁洋人不得在內地販鹽經鹽政馬

新贍批查洋人不准在內地販運食鹽載在條約例禁
綦嚴茲據稟甯波釣船裝載岱私恃洋人爲護符竟敢
駛至鄂省之石板灘等處江面肆行灑賣鄂岸受其侵
灌於引課大有關礙至水師分汛不准干預鹽務係指
經過淮鹽商船不准騷擾而言若釣船連檣販私闖入
長江自應合令兜拏前據吳鎮具稟卽經明晰批示仰
候會同長江提督黃軍門通飭沿江各汛遇有前項岱
私上駛一體查拏馳稟究辦至該私鹽船上如有洋人
同夥相幫立卽扣留押送就近之領事官按約辦理沿
途祇可拘禁不可凌虐並候札飭江海關道照會各國

領事嚴禁洋人不准包庇釣船影射販私以符條約

同治八年九月湖北督銷局候補道程桓生稟前因甯波釣船裝載私鹽在於武治蕪黃各縣所屬之石板灘沈家坡高家窩西壅洲等處肆行灑賣旋經卑局派委沿江緝私楊縣丞再權並帶哨官牟春瑞舢板一號駛往下游查拏而該釣船已不知所往茲查沿江一帶仍有釣船往來每於船上插豎洋旗攜帶軍械火鎗經過卡汛並不攏泊礮船太少亦復不敢查拏其自下游而來大半裝載私鹽沿江售賣及抵漢口地方攬載駛下洋關收其報稅之利而不知其帶私之害若非轉請從嚴

三
內
卷
二
一
四
三

截禁實於引課大有關係經鹽政馬新貽批甯波釣船
裝載借私前經飭禁在案茲據稟沿江一帶仍有釣船
往來船上插豎洋旗過卡並不擺泊大半裝私沿江售
賣實爲淮鹺之害查甯波釣船向不准駛入大江前經
咨請浙省派來張遊擊連登等管帶紅單師船三號又
常鎮鹽局添募廣艇各號早已到防仰候徑札張遊擊
等實力扼堵毋任駛入內江並咨浙撫部院一面通飭
長江水師暨札江海關照會各國領事一體查禁

同治九年三月鹽政馬新貽批湖北督銷局候補道劉子
城稟夾板等船夾帶借私上駛武漢等處遂致沿江私

販任意灑賣實爲淮引之害亟應嚴申禁令以儆梟風
查吳淞江陰一帶爲由海入江咽喉該處本有浙省調
派紅單礮船專緝釣船岱私仰候札飭該管帶張遊擊
就近一體嚴查並分飭沿江各關卡暨長江水師實力
查禁

光緒二年七月鹽政沈葆楨批湖北鹽通兼督銷局蒯德
標稟洋船夾私一案查洋船載私有違條約疊經通行
嚴禁在案茲據稟近來漢口疊據緝私礮哨等獲到私
販供係買自洋船及插挂洋旗之夾板船裝運轉售大
爲淮鹽之害仰候札飭江海關照會各國領事於洋船

在滬裝載時詳細嚴查不准裝帶浙私一面咨會長江水師提督通飭沿江各水師一律查禁如有夾板等船沿途灑賣浙私洋人出而包庇卽將該洋人扣留送交就近之領事官按約辦理中國鹽犯卽送地方衙門究治以肅鹽法

光緒三年二月常鎮道沈敦蘭稟查輪船及洋旗船隻夾帶私鹽上駛本應由鎮關稽查卽經函致稅司柏卓安選雇外國摺手二名認真查辦並將按月應給工食銀數核定覆知去後茲據覆稱已錄來函申呈總務司查拏走私惟粵海關之外國摺手較爲熟諳莫如由廣東

調取二名最安恐三月初一日未能到鎮至遲不過三
月十八日可准到鎮舉辦本關摺手有三等最下之等
每月每名俸銀五十兩由廣東至鎮江每名盤川銀約
五十兩上下再訪問洋船夾帶私鹽多半在鎮江以上
十二圩一帶地方私自裝運如果確實莫若在該處一
體查辦至未挂洋旗之甯波釣船不准駛赴瓜洲以上
前於鹽河北岸遷設米行案內曾經會議由瓜洲總鎮
派撥師船攔禁合併陳明經鹽政沈葆楨批仰俟總稅
務司核覆並粵東洋摺手到鎮卽日舉行所需工食盤
川先由該關道墊支統由督銷局解關歸款其未挂洋

旗之甯波釣船雖曾示禁不准駛赴瓜洲以上然長江
遼闊難保各該船不乘虛驀越候派員駐劄鎮關專查
此項無旗之釣船以杜上駛至漢九等關所獲輪釣各
船私鹽係浙江岱私居多但十二圩地方淮私亦復不
少既經該道訪問洋船有在該處私自裝運情弊候札
儀棧龐道派員在十二圩一帶晝夜巡邏嚴杜私販人
等潛將私鹽送裝洋船務期有私必獲照章懲辦

光緒三年五月儀徵淮鹽總棧候補道龐際雲稟呈章程
四條一查洋船在十二圩停輪者祇有兩處一係太古
洋行一係招商局輪船每月輪船過境皆有定期應由

保甲局知照該洋行及招商局兩處司事將輪船上駛
經過日期開單送局以便按期嚴查又輪船受載人貨
皆由駁船起送此項駁船卽係洋行專設每行駁船二
隻應查明船戶水手姓名嚴禁代客裝私如違查究一
查輪船逢期過境停輪受載總在每夜亥子兩時前後
擬設巡划一隻專派局勇四名由委員按期帶領常川
駐巡遇有客販搭輪先於上駁之時按名嚴查如有潛
帶私鹽立可拏解送究一洋行駁船遇有私販帶鹽上
船能隨時舉報見獲者應請查照功鹽之例給予賞號
如鹽上駁船經局查出除將本犯嚴辦外仍查明該駁

船有無得規容隱情弊分別稟究一洋行駁船之外江邊划船甚多有無潛送私鹽情事亦應嚴密查拏另由保甲局會同礮船哨弁督率勇丁隨時梭巡獲犯解辦經鹽政沈葆楨批准照辦其有挂洋旗之甯波釣船在於該處裝私亦應一體查拏

光緒三年七月浙江巡撫梅啟照咨據鹽運司詳商稟本年漢口督銷局查有輪艇各船由上海出口夾帶私鹽直抵湖北等處灑賣經鎮江關道專設委員另延洋人稽查輪船獲到私鹽卽發鹽棧變價自三月至今發到功鹽三次每次有數千斤之多每斤飭繳充公給賞錢

十六文丹徒一棧殊難接應有礙官銷商查浙西改復引鹽定案獲到功鹽僅給賞功錢文免繳充公統俟年終計斤合引呈赴運司衙門照章補課卽在認額內抵銷詳奏咨部有案查兩淮派員在鎮關緝私未准關道咨浙有案所有浙省功鹽定章每斤僅止給賞錢四文向無充公今鎮關拏獲功鹽每斤需充公給賞十六文價增數倍於浙地頗多窒礙鹽係兩淮委員所獲可否嗣後鎮關拏獲功鹽解交淮棧稱收變價或照浙章每斤給賞錢四方或由浙商收買之處應請咨商等情相應咨請核覆嗣經鹽政沈葆楨咨覆查近來中外輪船

及挂用洋旗之甯波釣船夾帶浙江岱私由吳淞入江
經過鎮關駛赴上游楚西引岸沿江灑賣關礙課餉甚
鉅本年二月閒據湖北督銷局程道稟經函飭鎮江關
會商稅務司督飭摠手人等照章嚴查輪釣各船夾私
迭據報獲多起盡屬岱鹽該關道以各該船在滬偷裝
在鎮被獲均屬浙鹽引地是以稟請就近發交鎮棧於
理既順而稱數領銷亦較便速庶免洋人藉口此查獲
岱私飭發鎮棧之原委也復查鎮江本非淮鹽引地兩
淮並無委員亦無淮棧設在該處至稽查商船夾私係
關道及稅務司專責通商各關查出偷漏夾帶不論鹽

斤貨物皆由稅務司就近變價酌提成數分別充賞及
解赴總理衙門充公各關一律照辦今鎮關緝獲浙私
若不在鎮江發棧誠如浙商所稟恐洋人查照拍賣之
例就地減價變賣於浙省引地尤多窒礙嗣後應請嚴
飭浙省緝私員弁力堵密私不上輪釣各船則鎮關無
私可獲鎮棧自不致因領銷功鹽有礙正額

光緒三年八月皖岸督銷局候補道黃祖絡稟據安慶下
游緝私委員稟十九日巡至安慶西門外草場地方拏
獲私鹽一擡計重三百七十八斤係大扁箕一箇均大
砂北鹽並獲擡夫馬得來等四名當卽訊據供稱係赴

湖北輪船并拖有小紅船一隻當將該擡夫帶赴江岸指認卽問津輪船上船查詢有謝姓一人出晤云係親友見上海砂鹽每斤價祇十餘文是以隨帶數十石旣被查獲情願將所帶之私拋棄江中請免稟究卑職以該輪船旣已認明帶私實情自應澈底搜查不能徇縱隨卽回船帶勇前往詎輪船已開至江心拋鹽於急溜中時值昏暮莫辨僅聞水聲而已其拋棄多寡不敢臆斷欲再往查徒切望洋之歎經鹽政沈葆楨批閱稟具見該委員緝私認真輪船夾帶岱私前據鄂局程道稟請嚴禁已於本年二月間札飭鎮江關逐船搜查報獲

頗多此次問津輪船所帶私鹽既據該輪船謝姓供明
係上海砂鹽隨帶數十石之多何以吳淞查驗官輪船
委員及經過鎮江均未查出豈因該輪船有委員管帶
竟徇情放私耶中國輪船委員輒敢肆意夾帶沿江灑
賣藐法膽玩莫此爲甚仰候札飭江海關轉飭吳淞查
驗委員明白稟復並札鎮江關查明問津輪船於何日
何時過鎮何以未據將該輪船所帶私鹽查拏充公刻
日具詳一面通飭蕪湖九江江漢各關嗣後凡遇各省
官輪船經過卽由該關督同稅務司飭派摺手立刻嚴
查儻有抗不停輪不服盤查及夾帶私鹽情弊卽行稟

候嚴參以昭炯戒

光緒六年八月鹽政劉坤一札行司道各局甯波鈞船不准駛入長江本有厲禁兵燹以後准在瓜洲以下買米運浙已屬權宜乃該鈞船惟利是趨往往帶私而來購米而去所帶之私盡是岱鹽浙淮引界已被全侵甚或雇一洋人或插一洋旗直上皖鄂沿途灑賣近日鄂省淮引銷路極疲均爲岱私侵灌雖鎮江關設有洋摺手稽查該鈞船巧於趨避每俟鎮關查過之後再於附近僻處潛裝滿載上游各卡因有洋人洋旗遂不復過問殊不知洋人不准干預鹽務載明條約何能任其包庇

私鹽致違約章而誤課餉此後各鈞船自應恪守定章不准駛至瓜洲以上其雇洋人插洋旗之船既於過鎮後仍可復裝尤宜加意防範除札蕪湖以上各關認真搜查並派瓜洲吳鎮沙漫洲楊道分派礮船在於鎮關附近及潛江一帶嚴查有無加載岱私情弊見有小船載鹽送裝卽行嚴拏稟究其鈞船就近送關照章入官嚴行懲創以昭炯戒外並飭鎮江上海兩關傳諭甯幫董事約束該處鈞船毋得以身試法

光緒七年閏七月總理各國事務衙門咨據總稅務司申稱中國食鹽一項各國約內均有禁止販運之條光緒

三年鎮江關監督會商稅務司每月特發經費銀百兩
另派有摺子手二人以便輪船入江時專行搜察見據
鎮江蕪湖等關稅務司將輪船運私鹽一事申報前來
擬請將鎮江月出之百金改發於漢口并請由上海鹽
務項內每月撥銀二百兩見在長江輪船大半係華商
船隻此等事可由中國自主其他洋商輪船因各約內
皆有不歸管理之條不得不先商之該國之大臣如其
不能依行卽應按照艙口單漏報之例所擬辦理若各
領事官仍不肯令船主遵繳此項罰款似不得不按條
約內所訂商船查有涉走私者該貨全數查鈔入官不

准在口貿易之章辦理等語請裁奪示復前來查販運私鹽有干例禁據總稅務司申呈私鹽入江各節自係實在情形其所擬設法禁止各條能否確有把握相應鈔錄原呈咨行貴大臣轉飭各關道察看情形妥爲酌核

附錄赫總稅司申呈

爲申呈事竊惟中國食鹽一項在各國約內均載有禁止販運之條各關因無此項徵收之稅然食鹽實爲

國課之大入款故亟應設法辦之一面使不致違禁一

面使不至偷漏乃爲妥善光緒三年鎮江關監督會商稅務司於每月特發經費銀百兩另派有摺子手二人以便輪船入江時專行嚴爲搜索惟歷辦有年而私鹽之入江者日甚經南洋大臣屢飭嚴辦並飭於拏獲私鹽時將輪船船主按船口單漏報例罰銀五百兩見據鎮江蕪湖等關稅務司將輪船運私鹽一事申報前來總稅務司查私鹽之入江并非由販鹽之商私運實由輪船中水手人等互相攜帶零星包捆易於藏入船艙其船中煤手私帶尤甚緣於上海上煤時卽將鹽匿於煤底度其煤駛至漢口時將

次用完乃得啟出是其船當入江之時未用之煤尙多深隱之鹽難見故凡私銷之鹽皆入江時未能查獲之由也比到漢口存煤旣少鹽便設法啟出攜賣於岸則在滬其本甚輕在漢口其利自重也至船到沿江各處停泊之時或有私銷之事惟蕪湖九江等口銷者尙少漢口銷者爲多蓋漢口距滬遠較爲得價也各處摺手雖隨時查察但摺子手之專責著重者則在淮運之貨物應納之稅項諸要端其未能專致力於私鹽也可知是查拏私鹽之最要者其始在於藏匿之地其終在於銷售之場於此始終兩處務

宜妥籌善法乃得其要至中途較易於設法防範也
鎮江關特派之兩摺子手尙不能甚爲得力非謂其
人之力不足用實以其辦法衡之情形有未洽當也
見擬請將鎮江月出之百金改發於漢口由江漢關
稅務司另行特派摺子手兩人以便將進口各輪船
一一隨到隨查立時嚴搜并擬請由上海鹽務項內
每月撥銀二百兩以便由江海關稅務司一律另行
特派摺子手四人專爲監視輪船之裝煤斤并順查
私鹽其中途之鎮江蕪湖九江各關應由見在驗貨
等事之摺子手兼查私鹽勿用另撥薪資銀兩遇有

私鹽經其拏獲卽將充公價銀內提五六成賞給該
摠子手以爲緝私者勸并將上海失察之摠子手酌
罰以懲其疏忽至於私鹽皆出於船上水手人等攜
帶匿私之人均係該船自用之人則不能不惟該船
是問設使船主大副二副管輪正管輪副水手首領
水手煤手以及廚役雜項人等果一體恪遵禁章奉
公守法自不致藏匿私鹽一斤於艙內若查出之私
鹽在船之何處起獲卽惟何處管事人是問如在煤
艙之內則應將管輪者罰銀若干并將煤手送交地
方官懲辦如在煤艙之外則應將該船主大副等罰

銀若干并將該處華人之首事者送交地方官懲辦
至船中各項入應各罰若干一層其月間所得薪水
無多或從重或從輕應由該關監督會商於稅務司
臨時因事酌量多寡而辦之爲要見在長江輪船大
半係華商船隻中國欲設何法辦理此等事可由中
國自主其他洋商之輪船因各約內皆有不歸管理
之條不得不先商之於該國之大臣施行是以應訂
一華商船隻妥善之辦法在先卽將所訂之辦法知
會該國大臣該國船隻可否照此飭行先須問明如
其不能依行卽應按艙口單漏報之例比擬辦理每

遇拏獲漏報之鹽卽罰該船主銀五百兩若該國駐
各口之領事官仍不肯令船主遵繳此項罰款似不
得不按條約內所訂商船查有涉走私者該貨無論
式類價值全數查鈔入官外俟商船帳目清後亦可
嚴行驅逐不准在口貿易之章辦理

光緒七年閏七月鹽政劉坤一咨覆總理各國事務衙門
查長江輪船夾帶私鹽聞係各該船水手人等所帶居
多必須嚴行查拏以符定章而保釐政前經札飭鎮江
關添用外國摺手二名專查輪船私鹽其每月薪水一
百兩卽由湖北督銷局寄關照付此後屢經鎮關查拏

私鹽入官呈報有案其江漢九江等關亦復屢有拏獲歸入按結罰款清冊彙報本年正月據蕪湖關稟查獲招商局江靖輪船私鹽當以該船屢帶私鹽該船主豈得諉爲水手人等所帶毫無覺察除將此次私鹽照章充公免罰外此後該局各船如再違犯除充公外仍按照船主未領開船單擅行下貨之例罰該船主銀五百兩儻該船主不能遵繳卽責令該局員代繳批飭該關遵照並咨明總理各國事務衙門通飭各關一體遵辦至六月又據蕪湖關稟獲英商公和福和等船私鹽當卽批飭按照英約並前辦英艇謙渡夾帶私鹽之案於

充公外仍令該船主照繳罰銀旋據該關道復稱由領事稅司代爲剖白船主實不知情且屬初犯等情姑准從寬免罰仍批令照會領事嚴飭各船主切實查禁儻再違犯定將該船主照會罰辦各在案是長江內商局及洋商輪船夾帶私鹽層見疊出雖經迭次拏獲究難弊絕風清茲核赫總稅務司所擬辦法具見洞悉情形力顧大局其稽查扼重江海江漢兩關及將商局洋商各船私鹽查拏入官仍行分別罰究均極周密妥當自可照行至所議由上海鹽務項內每月撥銀一節查上海鹽務係浙省引地而各輪船由上海夾帶私鹽前往

長江自過鎮江以後皆係准鹽應銷引地所有每月撥
交江海稅務司特派捲手四人銀二百兩應改由儀棧
撥解以資公用

光緒八年五月鹽政左宗棠咨覆總理各國事務衙門查
長江輪船夾帶私鹽一案前准貴衙門咨據總稅司申
稱中國食鹽一項各國約內均有禁止販運之條等因
申請裁奪示覆前來查販運私鹽有干例禁據總稅務
司申呈私鹽入口各節自係實在情形其所擬設法禁
止各條能否確有把握相應鈔錄原呈咨行轉飭各關
道察看情形妥爲酌核並咨復本衙門以憑核辦可也

等因當經劉前大臣先行咨復一面札飭各關道各就各關察酌情形刻日議復去後旋據鎮江關道沈敦蘭稟稱復查長江各輪船夾帶私鹽鎮關遵飭雇洋摺手二名由稅司督查雖經疊次獲報充公因所帶皆係水手人等祇知圖利百計隱藏而輪船到鎮不過停泊片時縱摺手出力搜查不免尙有遺漏茲總稅務司所擬查私最要始於藏匿之地終於銷售之場請將鎮江月出之百金改發於江漢關另派摺手兩人將進口各輪船立時嚴搜並請每月撥銀二百兩由江海關另派摺手手四人專爲監視輪船之裝煤斤並順查私鹽其中

途之鎮江蕪湖九江各關應由驗貨等事之摺子手兼查勿庸另撥薪銀遇有拏獲私鹽分成充賞各情其稽查扼重江海江漢兩關沿途各關摺手獲私分賞仍足以示鼓勵鎮關自應遵照並據另詳鎮江關洋摺手於光緒八年三月十三日停止又據前蕪湖關道恭鎰申稱查總稅務司申呈各節極爲詳明允當自可一律照行又據宜昌關道董儁翰詳稱遵查職關自光緒三年開設以來見在僅止招商局江通輪船一隻上下往來裝運貨物尙無商人違禁私帶准鹽情事此外並無洋商輪船來宜貿易光緒四年七月內有不知姓名搭客

由商局輪船私下川鹽二百七十二斤又光緒五年七月內有中國水手由商局輪船偷帶私鹽五十三斤均經本關拏獲變價充公彙報在案茲奉前因復查洋商之船能否照此依行應俟總理各國事務衙門知會各國大臣商明飭遵外所有中國商局輪船總稅務司所議查拏入官仍行分別罰究之處均應遵辦又據前江漢關道何維鍵詳稱當經照會職關稅務司惠達核議見復茲准復稱查總稅務司所議辦法均極周妥本關自當遵辦又據該關道何維鍵稟報准惠稅司奉總稅務司札派摠手三人來關卽於光緒八年正月初四日

開辦等情當經本爵大臣批岱私上侵漢岸實爲淮綱之害該關已將摺手設立務須督率認真搜查不特輪船宜搜卽挂洋旗之甯波釣船夾帶尤甚亦應歸該摺手等一體搜查將所獲私鹽按旬開報在案又據九江關道洪緒詳稱遵查輪船夾帶私鹽本屬有干例禁惟向來拏獲後僅將私鹽入官其匿私之人條約無懲治明文故各關雖隨時查獲而輪船夾帶私鹽之案仍層見迭出前奉通飭嚴查業經照會稅務司遵辦在案今奉前因當卽照商新關稅務司吉羅福去後茲據吉稅司照復內稱輪船水手夾帶私鹽藏匿煤艙者居多歷

來本關摺手查獲私鹽皆在船艙煤堆之內閒有於水
手等卧榻地方查出者亦遮掩甚密揆其形迹似非欲
於中途起出私銷赫總稅司擬於江漢江海兩關設法
稽查極爲扼要其餘各節察酌情形本口亦可照辦等
因職道伏思長江輪船夾帶私鹽近年以來卽經職關
查拏人官者每年亦不下二三萬斤若僅爲水手人等
所帶恐無如許貲本赫總稅司謂應惟該船是問一語
洵爲確論其所擬查出私鹽後將船中各項人等分別
罰究亦中肯綮惟查出充公變價之款向章本係除出
給拏獲之摺手銀兩再作十成計算分別提解充賞見

當整頓緝私之際則摠手兼查私鹽自應優加獎賞以期得力擬請嗣後中途各關遇有拏獲私鹽卽於變賣價銀內以一半賞給拏獲之摠手一半充公分賞其餘走私貨物仍照舊章辦理等情當經劉前大臣批私鹽變價擬請此後以一半充賞應如所詳辦理在案又據江海關道劉瑞芬詳稱遵經函商滬關稅務司酌議嗣接稅務司赫政復稱此事未奉總稅務司飭辦明文必須請示再辦等語卽經由道先行呈復一面催辦迨至本年二月初五日接赫稅務司函稱奉總稅務司來文添撥摠手查鹽經費每月關平銀二百兩卽從西歷

月分起支其稽查辦法酌議另致等由又經呈報分移
並將經費照送旋奉憲批江海關爲岱私入江門戶稽
查尤關緊要務期實事求是不得虛糜經費西曆四月
究係中國何月飭卽查復等因遵又查明西曆四月初
一卽中國二月十四日因新關司稅人等經費向照外
國月建給發是以此項查鹽之費亦照西國月分辦理
並聲明稽查私鹽辦法俟稅務司復到另報各在案茲
據赫稅務司函稱添派摺手稽查長江輪船私鹽係於
光緒八年二月十四日卽西曆四月初一日起辦每月
計用摺手七人內洋人三名華人四名此項華人均係

熟悉走私情形且服色無異常人俾走私者不致觸目
隱匿摠手既添有多人則不獨稽查長江各船卽北洋
三口及香港日本來船亦可兼查計自二月十四日開
辦至今於二月內在長江各船查獲私鹽三起共重二
千四百八十四斤此外查無私鹽亦未接長江各口稅
務司來函云有私鹽進口之事又於三月二十一日止
在北洋三口及香港日本來船內查獲私鹽計有二十
五起共重四萬一千八百六十三斤內二月十五日招
商局懷遠輪船自香港來夾帶私鹽五千六百二十斤
於查獲時由摠手拘獲水手三人送由會審公廨訊辦

又二月二十三日招商局保大輪船自北口來夾帶私鹽四千二百七十斤三月初五日招商美富輪船自香港來夾帶私鹽三千七百七十斤均於查獲時有水手拒阻當由摠手拘獲水手各一人送由會審公廨移縣究辦本稅務司並已函致北洋三口稅務司謂於各輪船出口時留心查察近來尠有查獲似辦理亦有微效見仍督飭該摠手等將應查各船認真稽查以期持久等因職道復查輪船夾帶私鹽實爲鹺務之害今因長江輪船帶私奉飭添派摠手由關稽查經赫稅務司雇用華洋摠手七人於查長江輪船私鹽之外兼北洋三

口及香港日本來船私鹽自本年二月十四日開辦後查獲二十八起之多辦理尙屬認真近來獲鹽已少似各船漸知畏懼守法此後各捲手若能實力稽查有鹽必獲有犯嚴辦必可弊絕風清不致仍前興販所有招商局懷遠保大美富三輪船從香港及北口帶私來滬已將水手送由會審公廨並移上海縣分別訊究應卽從嚴懲辦示儆惟係香港日本來船初犯禁令與長江輪船積慣帶私先經示禁者情形稍有不同應否亦照劉前憲定章將船主各罰銀五百兩由招商局照數送關歸稅務司收入每結罰款案內彙辦抑姑念初次誤

犯從寬免其罰銀卽令各船主嗣後嚴飭水手人等痛改前非不准再犯如敢故違加等重辦以期恩威並濟之處出自憲裁示遵除移請招商局員明定罰規按船曉諭俾眾咸知並札會審公廨陳守暨上海縣查明局船水手帶私之案訊辦緣由詳報外合將滬關添派摠手嚴查輪船私鹽遵辦情形請祈察核並請彙咨查照等情到本爵閣大臣據此除批查招商局輪船屢次夾帶私鹽前經劉前大臣明定罰辦章程並經招商局員嚴立禁止規條當經先後札飭該關會同稅務司嚴飭摠手人等認真稽查辦理在案今據來詳該局懷遠保

大美富三輪船水手夾帶私鹽既經該關查獲自應遵照前章將該三船各罰銀五百兩以示懲儆而杜弊端該道責任稽查夾私尤關緊要若念初犯之情姑從寬免將來該局未經查獲夾私之船得所藉口相率效尤尙復成何事體且有定章在前斷難原情免罰仰卽移會招商局員遵照前章如數繳由該關歸入罰款項下辦理具報仍將該船夾私之水手訊明錄供詳辦並候彙咨總理各國事務衙門查照等因印發外合將各關遵辦情形彙案咨覆

光緒十年九月鹽政曾國荃批運司據鄂岸運商稟銷滯

情形一案查輪鈞各船夾帶岱私上侵鄂岸爲害已久該商等所稟自係實情惟所擬辦法與洋務欠協殊多窒礙此案經程道稟請沈前部堂於鎮江關特設洋摺手二名稽查尙稱得力嗣經總稅務司申請總理各國事務衙門改設於江海江漢兩關查之於未入江之先又稽之於卸貨之後立法未爲不善無如改設後江海一關從未報獲緣岱私皆由吳淞入江不由江海關經過月費薪資盡屬虛糜而鎮江關將洋摺手撤去又不能如前得力以致輪鈞各船更無忌憚任意夾帶日盛一日應否將江海關所設洋摺手復設鎮江關以期實

力稽查不致有名無實之處程道見已委署運司於淮
鄂情形較爲熟悉仰俟該道到任後詳細妥籌詳候咨
請總理各國事務衙門核飭遵辦至輪船所獲私鹽係
照查獲私物一律變價充公其銀兩以三成解總署二
成歸監督四成歸稅務司充賞不能照內地獲私拋棄
入水應如何立法以免侵占官銷並由該署司一并議
詳後據程道詳復江海關駐劄吳淞口內浙岱等私經
過吳淞口外海面汪洋勢難遙制且自吳淞入江上至
鎮江其間南岸如寶山江陰孟河越河等口北岸如通
州如皋靖江泰興等口向爲私鹽出沒之區輪釣各船

至此加載離關寫遠稽查無從及其溯江而上所過安
徽江西以入楚境沿途灑賣無人過問迨至漢關鹽已
賣完查亦無益是江海關之查私不如鎮江關之得力
不待今日始知矣緣鎮江一關固爲長江下游之險要
亦爲私鹽上駛之咽喉扼守中權無可繞越擬請將江
海關所派外國摺手四人全行裁撤仍由鎮江關稅務
司復派摺手四人稽查私鹽遇有上水輪鈞夾板各船
一概籤驗有私卽獲無私卽放不得留難每月經費銀
二百兩卽由儀棧鄂局各半籌解仍歸鎮江關給領所
獲私鹽售得鹽價仍照原案分成報解以充公用而資

鼓勵不必拋棄入水慮占官銷經鹽政曾國荃據咨總理各國事務衙門轉行總稅務司如所擬辦理嗣於光緒十一年四月總理各國事務衙門咨據總稅務司稱查自光緒七年迄今三年所有江海江漢兩關緝獲之案共三百四十四起計起獲私鹽共十二萬五千六百四十二斤江海關洋擺手仍不宜改設

謹按以上禁緝輪船釣船夾私

光緒十一年九月直隸總督李鴻章咨查本年夏間招商局船棧收回後積欠纍纍必須設法合力維持以冀挽回危局葉廷春所請裝運鄂運一節光緒初年南洋沈

前大臣任內曾經議及未遽開辦似應酌量通融今督辦招商局盛道等與淮運司儀棧及漢口督銷局員暨鄂岸殷實商董互籌辦法總期彼此有益無礙礙政鹽政曾國荃咨復以沈前部堂任內復招商局函云淮鹽擬用輪船裝運一節果可試行洵於尊局大有裨補無如鹽務非漕務可比漕則本是官物官可操縱自如鹽爲商人命本所關勢難強題就我淮商之有力者類皆自置江船及向有可靠之民船認定主雇循環轉輸相安已久一旦棄之而改用輪船無論商必不願卽願矣而裝鹽之民船不下數千號水手人等不下數萬人頓

絕生機將何以存活卽謂九江以上仍可雇用民船而距省較近需船無多漢口以上半屬灘河尤非江船所能行駛此外輪船窒礙之處如搶運則紊亂輪章到岸則倉棧擁擠過卡不抽掣則重斤必多裝卸較費事則拋灑亦重種種弊端不勝枚舉總之貿遷之道存貨少則轉運須速今江楚存鹽其積數十萬引則輪船之行駛如飛無所取矣銷路暢則無待守候今江楚銷鹽需守一年有餘則輪船之片刻難停適相左矣尤可慮者輪船不准裝鹽以及拖帶鹽船均經查禁有案中國一經開端難保洋人不從而生心目前方以華洋輪船夾

帶私鹽上侵江楚經敝處札飭鎮江關另雇外官提手
嚴加稽查以資整頓更不便變易成法轉使彼族有所
藉口又經運司儀棧湖北督銷局議詳不便會奏不果
行

謹按以上禁止輪船裝鹽

同治十二年八月瓜棧道員薛書常稟儀徵十二圩建棧
前面係禮祀洲夾江一切江船自應在於夾江內挨次
停泊守候裝鹽庶可藏風聚氣免受波浪之險第詢諸
土人云上下輪船夏令水大之時均由夾江行駛冬令
水小始由外面大江行走夾江窄狹輪船力大勢勇難

保無撞碰之虞且見奉行知運商同仁和等鹽船在安
徽銅陵縣丁家洲夾江內被湖北旂昌洋行輪船撞壞
淹消鹽一千四百餘包之多此係前車之鑒與其事後
而多費唇舌莫若預爲禁止經鹽政李宗羲批飭上海
常鎮兩關道照會各國領事官轉飭各洋行遵照

謹按儀棧製造木牌樓兩架橫寫禁止輪船駛入夾
江八大字在於十二圩對岸禮祀洲東西洲尾分別
豎立

同治十二年十一月瓜棧道員薛書常詳奉札據江海關
詳英領事照復禮祀洲夾江輪船進出無礙未便禁止

飭詳細查明並據常鎮李道鈔黏外國輪船答復領事
來信二件職道再三籌思所言尙非不情惟鹽船情形
有非該輪船所能盡悉者查此次移棧儀徵十二圩原
爲鹽船泊靠大江時有風浪覆溺之憂是以相視兩載
始定議於禮記洲夾江之內以爲江船圖萬全之計但
此間夾江寬處固有三里而窄處尙不及二里冬月水
深不過二丈近岸淺灘均不過數尺鹽船停泊小者尙
可近岸大者多近中流輪船行走迅疾黑夜往來難保
必不碰撞此不可者一也又江船裝鹽最忌載重擱淺
向用駁船遞爲轉運駁船取其快利皆不過一二十石

至三四十石而止船小身輕支持無力輪船行走過猛
波浪翻騰萬難免浮沈簸蕩之虞此不可者二也夫兩
害相權取其輕使輪船行走大江另有意外不測之患
亦何敢但爲中國商人計不爲外國商人計耶今據該
輪船所稱行走大江不過遠行九里在輪船一瞬之間
耳所關甚細而行走夾江一經碰撞沈溺則關繫鹽商
血本累萬盈千圖一己之小便貽他人之大憂在輪船
商人當亦以爲非宜此不可者三也近來中外和洽四
海一家使碰撞沈溺之後不令輪船賠補則鹽商船戶
破產失業未免過於向隅卽令輪船賠補亦不過賠及

一半而止在輪船有虛擲之寃在鹽船爲无妄之災兩不爲利徒失和氣此不可者四也兵燹以後鹽船船戶多係湘楚各軍營官哨官大則提鎮小則參游所用水手皆屬百戰之餘儻悍強暴最難駕馭夾江鹽船蒼萃多至二千餘隻少亦一千有零船戶水手不下二三萬人一唱百和動輒滋事上年因求加水腳萬眾鼓譟辦理稍失輕重幾至激成事端此中外所共聞者萬一將來失手碰撞勢必賠補賠補相爭勢必滋鬧滋鬧不休在中國有勦捕之煩費在外國多道路之荆棘而聿考其原則始於爭一瞬之利尤大不可者五也不然江深

海闊何所不容職道亦何惜此數丈之水不與外國輪船方便哉誠以揣度情勢權衡利害有不得不審慎以圖全者禁走則中外兩全其美不禁則彼此交被其害爲中國鹽船計亦卽爲外國輪船計蓋與其費事後之脣舌固不如爲未雨之綢繆也更有請者經此次禁止之後中國輪船雖小而所過之處波濤震蕩亦所不免應請一律禁止以免藉口而示公允經鹽政李宗義批飭兩關道照覆各領事官轉飭各洋行禁止駛入夾江並飭總理輪船事宜吳道轉飭中國各輪船一體遵照同治十三年二月鹽政李宗義以淮南引鹽初定章時在

瓜洲七濠口建掣鹽總棧派委大員經理其事嗣後因該處江岸日漸坍塌奏明移設十二圩對岸有禮祀洲其夾江爲鹽船停泊受載之所見因江面窄狹外國輪船時由夾江行駛難保無撞碰之虞禁止輪船駛入見在英美兩國領事均以輪船往來無礙不宜禁止咨請總理各國事務衙門轉行照會英美兩國公使據復查同治四年准前任通商大臣咨稱江甯口岸自大勝關以下至江心洲自燕子磯以上至七里洲頭均有夾江一道俗名草鞋夾因該處夾江係內地貨船往來之路請照會禁止輪船駛入前禁禮祀洲夾江駛行事同一

律自應照會各國公使查辦

光緒元年四月松蘇太道馮煥光稟俄提督卜爾瑪偕奧公使史福禮奧領事夏士等乘兵船赴甯駛過儀徵夾江見江面窄狹易於鹽船碰撞卜提督允致明公使禁止輪船不准再由夾江行走奧國領事亦允禁止請咨明總理各國事務衙門查照

謹按以上禁輪船行夾江

巡緝礮船附

揚州鹽捕營礮船

原設舢板十號統帶一員月支薪水油燭紙張等項銀

四十五兩四錢領哨二員每員月支薪水銀十二兩每
船哨弁一名月支薪糧銀九兩每船舵工一名月支口
糧銀四兩五錢每船頭工一名月支口糧銀三兩八錢
每船礮勇二名每名月支口糧銀三兩五錢每船槳勇
九名每名月支口糧銀三兩二錢

新設舢板十號統帶領哨哨弁各勇薪糧與上同

通計鹽捕營舢板二十號月支薪糧銀一千二百兩八
錢

謹按鹽捕營礮船除調赴通泰兩屬場河及十二圩
喬墅鎮五台山等處常川駐緝外其餘在揚各船專

資護餉調撥之用

儀徵淮鹽總棧礮船

老河影上口舢板一號管帶千總一員月支廉俸銀十
四兩舵工一名月支口糧銀三兩六錢頭兵一名礮兵
二名每名月支口糧銀三兩槳兵八名書識一名每名
月支口糧銀二兩七錢座船一號月支銀十二兩兵書
米折月支銀四兩九錢九分二釐

老河影下口舢板一號管帶把總一員月支廉俸銀十
兩五錢兵書口糧米折座船與上同

貓兒頸口舢板一號管帶外委一員月支廉餉銀八兩

七錢兵書口糧米折座船與上同

通計儀棧舢板三號月支廉俸口糧等銀一百九十四兩八錢七分六釐

謹按儀棧礮船係由長江水師瓜洲鎮營撥派駐緝按季更換廉餉仍照營制由江南鹽巡道支放

金陵下關掣驗卡礮船

總局護卡舢板一號哨弁一員月支薪水銀十二兩舵工一名月支口糧銀四兩五錢頭工一名礮手一名每名月支口糧銀四兩二錢槳勇九名每名月支口糧銀三兩六錢油燭月支錢七百二十文

護餉解鹽舢板一號

草鞋峽護卡舢板一號

峽內巡緝舢板二號

七里洲巡緝舢板一號

謹按以上舢板五號弁勇薪糧油燭均與上同

通計下關掣驗卡舢板六號月支薪糧銀三百四十三兩八錢油燭錢四千三百二十文

鄂岸督銷局礮船

漢口總局解餉長龍三號每船哨弁一員月支薪水銀十五兩每船艙長一名月支口糧銀四兩八錢每船舵

工一名月支口糧銀四兩五錢每船頭工一名礮手一名每名月支口糧銀四兩二錢每船槳勇十三名每名月支口糧銀三兩六錢

漢口總局解餉洋划一號哨弁一員月支薪水銀十五兩舵工一名月支口糧銀四兩五錢頭工一名礮手一名每名月支口糧銀四兩二錢槳勇九名每名月支口糧銀三兩六錢

樊局解餉小長龍一號哨弁一員月支薪水銀十五兩舵工一名月支口糧銀四兩五錢頭工一名礮手一名每名月支口糧銀四兩二錢槳勇九名每名月支口糧

內江鹽法司 卷之十四
銀三兩六錢

沿江緝私舢板十號每船哨弁一員月支薪水銀十二兩每船舵工一名月支口糧銀四兩每船頭工一名礮手一名每名月支口糧銀三兩四錢每船槳勇七名每名月支口糧銀三兩每船火夫一名月支口糧銀二兩武穴分局解餉舢板二號每船哨弁一員月支薪水銀十二兩每船舵工一名月支口糧銀三兩六錢每船頭工一名礮手一名每名月支口糧銀三兩二錢每船槳勇六名每名月支口糧銀三兩

德安分局解餉舢板一號

新河分局解餉舢板一號

長江埠倉解餉舢板一號

樊城分局護局舢板一號

老河口子店解餉舢板一號

沙市分局解餉舢板一號

沙洋分局解餉舢板一號

朱河子店解餉舢板一號

漢川垌塚子店解餉舢板一號

新隄分局解餉舢板一號

新隄總卡緝私舢板三號

張家溝解餉舢板一號

小沙口緝私舢板一號

峯口緝私舢板一號

小港緝私舢板一號

通海口緝私舢板一號

橫河口緝私舢板一號

新店緝私舢板一號

汶河口緝私舢板一號

楊樹峯緝私舢板一號

多祥河緝私舢板一號

蓮子口緝私舢板一號

仙桃鎮緝私舢板一號

袁家口緝私舢板一號

脈旺嘴緝私舢板一號

謹按以上舢板二十八號弁勇薪糧均與武穴分局

舢板同

通計鄂岸督銷局長龍四號洋划一號舢板四十號月
支薪糧銀二千零一十七兩一錢

湘岸督銷局礮船

省河巡私廳船一號哨弁一員月支薪糧銀八兩四錢

舵工一名月支口糧銀三兩三錢頭工一名月支口糧銀三兩槳勇八名每名月支口糧銀二兩七錢

湘潭分局緝私舢板一號哨弁一員月支薪糧銀八兩四錢舵工一名月支口糧銀三兩三錢頭工一名月支口糧銀三兩槳勇六名每名月支口糧銀二兩七錢

岳州分局城陵磯臨湘緝私舢板十一號

西港營緝私舢板十二號

新市分局緝私舢板一號

醴陵淦口分局緝私舢板一號

益陽分局緝私舢板一號

華容兼雷灣分局緝私舢板五號

東洲分局緝私舢板一號

石灣卡緝私舢板二號

大陂市卡緝私舢板二號

常德分局緝私舢板六號

辰州分局緝私舢板一號

謹按以上舢板四十三號弁勇薪糧均與上同惟岳
州分局舢板十一號有領哨一員月支薪水銀十三
兩四錢西港營舢板十二號有領哨一員月支薪水
銀二十四兩副哨一員月支薪水銀十兩二錢

通計湘岸督銷局廳船一號舢板四十四號月支薪糧銀一千四百四十三兩五錢

西岸督銷局礮船

總局解餉長龍三號該船係由長江水師營分撥船中領哨弁勇仍照營制月支薪糧亦歸本營給發另由總局按月津貼文員薪水銀三十二兩武員薪水銀十八兩

吳城分局解餉舢板二號每船哨弁一員月支薪水銀八兩每船舵工一名月支口糧錢四千八百文每船頭工一名礮手一名每名月支口糧錢四千五百文每船

樂勇七名每名月支口糧錢三千九百文座船一號月支錢五千五百文

吉安分局解餉舢板一號哨弁一員月支薪水銀八兩舵工一名月支口糧錢四千五百文頭工一名月支口糧錢四千二百文樂勇七名每名月支口糧錢三千文火夫一名月支口糧錢二千文

省河緝私長龍一號哨弁一員月支薪水銀八兩副哨一員月支薪水銀四兩八錢舵工一名月支口糧銀二兩七錢頭工一名礮手二名每名月支口糧銀二兩四錢樂勇十五名每名月支口糧銀二兩三錢四分座船

一號月支銀七兩

省河緝私舢板一號哨弁一員月支薪水銀八兩舵工一名月支口糧銀二兩七錢頭工一名礮手一名每月支口糧銀二兩四錢礮勇八名每名月支口糧銀二兩三錢四分座船一號月支銀七兩

德化縣姑塘卡緝私舢板一號哨弁一員月支薪水銀八兩舵工一名月支口糧銀二兩四錢頭工一名礮手一名每名月支口糧銀二兩二錢礮勇八名每名月支口糧銀二兩座船一號月支銀七兩

萬安縣良口卡緝私舢板一號哨弁一員月支薪水銀

八兩舵工一名月支口糧銀二兩四錢頭工一名礮手
一名每名月支口糧銀二兩二錢柴勇六名每名月支
口糧銀二兩

萬安縣南門外緝私舢板一號

樂平縣緝私舢板一號

浮梁縣景德鎮緝私舢板一號

餘干縣瑞洪緝私舢板一號

臨川縣黃江口緝私舢板一號

金溪縣許灣緝私舢板一號

謹按以上舢板六號弁勇薪糧均與良口卡舢板同

通計西岸督銷局長龍四號舢板十二號月支薪糧銀
四百五兩四錢二分又錢一百二十四千九百文

皖岸督銷局礮船

大通總局解餉長龍一號哨弁一員月支薪水銀十二
兩舵工一名月支口糧銀四兩頭工一名礮手二名每
名月支口糧銀三兩六錢槳勇十四名每名月支口糧
銀三兩火夫一名月支口糧銀二兩五錢皮紙更香月
合支銀六錢八分

大通緝私舢板一號哨弁一員月支薪水銀十兩四錢
舵工一名月支口糧銀四兩頭工一名礮手一名每名

月支口糧銀三兩六錢槩勇七名每名月支口糧銀三兩火夫一名月支口糧銀二兩五錢皮紙更香月合支銀三錢四分

蕪湖分局解餉舳板一號

三河合肥分局解餉舳板一號

滁來全分局解餉舳板一號

全椒陳家淺緝私舳板一號

甯太內河緝私舳板一號

金柱關緝私舳板一號

石跋河緝私舳板一號

牛屯河緝私舢板一號

采石磯緝私舢板一號

安慶緝私舢板一號

丁家洲緝私舢板一號

西口緝私舢板一號

長江護送鹽船舢板十號

謹按以上舢板二十二號弁勇薪糧均與大通舢板同惟護送鹽船舢板十號每船槳勇向祇五名

和州新開河緝私舢板一號哨弁一員月支薪水銀八兩舵工一名月支口糧銀三兩二錢頭工一名月支口

糧銀三兩槩勇四名每名月支口糧銀二兩八錢火夫
一名月支口糧銀二兩五錢皮紙更香月支銀二錢

甯宣內河緝私舢板六號每船哨弁一員月支薪水銀
五兩每船舵工一名月支口糧銀三兩二錢每船槩勇
四名每名月支口糧銀二兩八錢每船火夫一名月支
口糧銀二兩五錢皮紙更香月支銀二錢

雍家鎮緝私舢板一號哨弁一員月支薪水銀六兩舵
工一名月支口糧銀三兩二錢槩勇五名每名月支口
糧銀二兩八錢火夫一名月支口糧銀二兩五錢皮紙
更香月支銀二錢

西梁山緝私巡船一號巡勇二名每名月支口糧銀三兩

通計皖岸督銷局長龍四號舢板二十三號舢板八號巡船一號月支薪糧銀一千二百四十九兩七錢

正陽督銷局礮船

總局護卡解餉舢板六號巡河舢板二號每船哨弁一員月支薪水銀十二兩每船舵工一名月支口糧銀三兩六錢每船礮手一名月支口糧銀三兩六錢每船槳勇九名每名月支口糧銀三兩

又緝私小舢板二號每船哨弁一員月支薪水銀十兩

每船舵工一名月支口糧銀三兩六錢每船礮手一名
月支口糧銀三兩三錢每船槳勇六名每名月支口糧
銀三兩

通計正陽督銷局舳板八號小舳板二號月支薪糧銀
四百三十九兩四錢

五河鹽釐卡礮船

總局護卡解餉舳板五號每船哨弁一員月支薪水銀
十二兩每船舵工一名月支口糧銀三兩六錢每船頭
工一名月支口糧銀三兩三錢每船槳勇八名火夫一
名每名月支口糧銀三兩

緝私舢板三號每船哨弁一員月支薪水銀十二兩每
船舵工一名月支口糧銀三兩六錢每船頭工一名月
支口糧銀三兩三錢每船槳勇九名火夫一名每名月
支口糧銀三兩

守卡雇用民船一號舵工一名月支工食錢四千五百
文水手九名每名月支工食錢三千六百文

通計五河鹽釐卡舢板八號民船一號月支薪糧銀三
百七十六兩二錢工食錢三十六千九百文

沙漫洲緝私總局礮船

總局護卡緝私暨分巡泗源溝十二圩江浦六合等處

舳板船十號領哨一員月支公費銀七十兩每船哨弁
一員月支薪水銀十二兩每船舵工一名月支口糧銀
三兩九錢每船頭工一名礮手二名每名月支口糧銀
三兩六錢每船槳勇八名每名月支口糧銀三兩

巡緝飛馬輪船一號管帶兼司舵一名月支薪水銀十
六兩鐵櫃一名月支工食銀十二兩副鐵櫃一名月支
工食銀八兩幫舵一名月支工食銀七兩升火一名月
支工食銀六兩水手三名每名月支工食銀四兩火夫
一名月支工食銀三兩梓油月支銀四兩

通計沙漫洲緝私總局舳板十號輪船一號月支薪糧

等項銀六百四十五兩

謹按沙漫洲礮船係由兩江督標水師營派撥其薪糧月由金陵支應局給領

兩淮鹽法志卷六十四

同治鹽法志

卷六十四

轉運門

緝私六

三